

賈長江集

《四部備要》

集部

上海中華書局據明刻本

校刊

桐鄉

陸費達總勘

杭縣

高時顯輯校

杭縣

吳汝霖監造

版權所有不許翻印

唐賈浪仙長江集目錄

普州司倉參軍范陽 賈島

卷第一

古意

望山

北嶽廟

朝飢

哭盧仝

劍客

口號

寄遠

齋中

感秋

翫月

辭二知己

義雀行

宿懸泉驛

辯士

不欺

絕句

寓興

遊仙

枕上吟

雙魚謠

易水懷古

早起

客喜

寓延壽里精舍

贈智朗禪師

送沈秀才

酬栖上人

見終南雪

卷第二

寄孟律協

和劉涵

懷獨孤崇魚孫

投張太祝

詠韓氏二子

送別

詣張籍韓愈

上谷送客

重酬姚少府

投孟郊

代邊將

寄劉栖楚

寄丘儒

送陳商

送張校書季霞

寄友人

賈長江集 目錄

延康吟

戲贈友人

寓興

懷鄭從志

登龍興寺樓

送鄭山人

就峯公宿

劉景陽東齋

對菊

送集文上人

題岸上人閑居

游子

寄王參

送汲鵬

卷第三

寄令狐相公

哭柏巖禪師

山中道士

就可公宿

旅遊

送鄒明府遊靈武

題藍田廬

贈王將軍

下第

寄賀蘭朋吉

憶吳處士

哭孟郊

送崔定

寄白閣默公

宿劉司馬池上

送朱可久歸越中

送田卓入華山

送董正字常州觀待

酬姚少府

送無可上人

送李騎曹

送鳥行中

送覺興上人

寄無可上人

南池

寄貞空二上人

送貞空二上人

送裴校書

寄姚合

卽事

上韓吏部

題天津橋南山

投李益

弔孟協律

送人適越

送僧遊衡岳

送路

道中寄弟

江亭晚望

送耿處士

卷第四

過唐校書書齋	送杜秀才
送天台僧	懷紫閣隱者
懷皇甫荀	秋暮
哭胡遇	送丹師歸閩中
送淮鑒法師	題李疑幽居
送韓湘	寄董武
宿贊上人方	訪李甘原居
題山井寺	無可上人相訪
送李餘及第歸	荒齋
喜賀蘭三見訪	題鏡公房
送陳判官	送唐環
喜唐溫琪頻至	送敷法師
寄錢庶子	原上秋居
夏夜	冬夜
送厲宗上人	寄李存穆
贈無懷禪師	寄主簿姚
題劉華書齋	送盧秀才
送姚明府	送友人遊江左
雨中懷友人	寄遠
南齋	題友人新居二首
卷第五	
送雍陶入蜀	張郎中過原東居
答王祕書	送李餘
偶作	過秀才雍君居
寄顧非熊	送神龜法師
送齊韻法師	送知興上人
送惠雅法師	憶吳處士

題章博士新居	留辭從叔著
送朱兵曹	懷博陵故人
夕思	寄楊少尹
孟駸逸人	晚晴見終南諸峯
宿池上	喜姚郎中回
送鄭史	送李湜
和楊鄭州	題長江
泥陽館	送徐員外
送賀蘭上人	寄令狐相公
寄李尚書	逢舊識
崇聖寺斌公房	送李傳侍郎
別徐明府	送友人歸襄陽
送友人遊蜀	送鄭少府
子規	送僧歸天台
卷第六	
上樂使君	贈友人
送雍陶及第歸	謝令狐相公賜衣
送鑒周上人	送譚遠上人
新年	送姚杭州
送僧	夜集田卿宅
寄長孫栖嶠	酬厲玄
送劉式	送空公
贈紹明上人	贈弘泉上人
送宣皎上人	病起
送殷侍御	送沈麟
懷錢孟二人	贈李金州
酬姚校書	送獨孤馬二秀才
病禪	青門里作

盧秀才南臺

寄李轉侍御

寄令狐相公

再投李益

積雪

過楊道士居

贈僧

送友人遊塞

思遊邊友人

秋暮寄友人

寄令狐相公

和孟逸人

宿姚少府北齋

雪晴晚望

卷第七

送崔驥

寄朱錫珪

馬戴居華山因寄

寄胡遇

送李戊

送孫逸人

寄華山僧

送李登

過郝逸人居

酬李廓

與李廓同宿

送南卓歸京

酬韓愈書問

長孫霞李洎見訪

送惟一

鄭尚書新開涪口

寄喬侍郎

送華法師

送蔡京

慈恩寺上座院

題朱慶餘所居

送王知新

贈胡禪師

元日女道士受

重與彭兵曹

贈莊上人

逢僧伯陽

贈皇甫主簿遊山

宿成湘林下

喜雍陶至

酬胡遇

宿郁公房

送褚山人

寄韓湘

雨夜寄馬戴

喜無可上人回

寄毗陵微公

送韋校書

寄劉侍郎

卷第八

送穆少府

留別鄴中友人

送李校書

宿孤館

哭宗密禪師

宿山寺

送友人知邊

題竹谷上人院

京北原作

寄江上人

送僧歸太白山

暮過山村

鷺鷥

內道場僧弘紹

蔣亭和蔡湘州

光州王使君水亭作

留別王使君

宿姚合宅寄張司業

哭張籍

靈準上人院

寄柳舍人

送玄巖上人歸西蜀

寄宋州田中丞

送朱休歸劍南

寄長武朱尚書

送皇甫侍御

郊居即事

夜集姚合宅期可公不至

喜李餘自蜀至

王侍御南原莊

送康秀才

送僧

寄魏少府

原居即事言懷

登樓

上樂使君救康成公

昆明池泛舟

送僧

送劉知新

寄慈恩寺郁上人

送饒州張使君

觀冬設上楊尚書

卷第九

巴興作

早蟬

投元郎中

阮籍嘯臺

滕校書院小池

送陝府王司馬

上谷旅夜

寄無得頭陀

雙白鸞

送胡道士

寄韓潮州

謝張籍王建

逢故人彭兵曹

贈牛山人

送于中丞

送劉侍御重使江西

贈圓上人

贈李使君

酬文郁上人

訪鑒玄師姪

夜坐

送別

聞蟬感懷

夏夜上谷宿開元寺

送于總持歸京

崔卿池上鶴

田中丞高亭

友人婚楊氏催粧

酬朱侍御望月

題韋雲叟草堂

和韓愈泛南溪

方鏡

酬姚合

送靈應上人

贈丘先生

渡桑乾

夜期庸客不至

夜集烏行中所居

贈梁浦班竹杖

尋石龔寺上方

卷第十

秋寄題靈隱寺

黎陽寄姚合

送崔約秀才

詠懷

夏日寄高洗馬

送周判官元範赴越

送羅少府歸牛渚

題童真上人

贈溫觀主

賀龐少尹除太常少卿

上邠寧邢司徒

欲遊嵩岳留別李益

病鵲吟

贈翰林

贈僧

頌德上賈常侍

田將軍書院

投龐少府

夏夜登南樓

題青龍寺

贈李文通

贈號州三堂吳郎中

送僧

三月晦日贈劉評事

送張道者

題魚尊師院

宿杜家亭

送稱上人

楊祕書新居

聽樂山人彈易水

經蘇秦墓

題戴勝

題隱者居

哭孟東野

過京索先生墳

客思

鹽池院觀鹿

唐賈浪仙長江集目錄

唐賈浪仙長江集卷第一

普州司倉參軍范陽 賈島 浪仙

古意

碌碌復碌碌百年雙轉轂志士終夜心良馬白日足俱爲不等閑誰是知音目眼中兩行淚曾吊三獻玉

望山

南山三十里不見隴一句冒雨時立望望之如朋觀

虬龍一掬波洗蕩千萬春

一作日

日日雨不斷愁殺望

山人天事不可長勁風來如奔陰霆

一作一似掃浩

翠瀉國門長安百萬家家張屏新誰家最好山我願爲其鄰

北嶽廟

天地有五嶽恆嶽居其北巖巒疊萬重詭怪浩難測人來不敢入祠宇白日黑有時起霖雨一灑天地德

神兮安在哉永康我王國

朝飢

市中有樵山此舍朝無煙井底有甘泉釜中乃空然我要見白日雪來寒

一作塞

青天坐聞西牀琴凍折兩

三絃飢莫詣他門古人有拙言

哭盧仝

賢人無官死不親者亦悲空令古鬼哭更得新隣比平生四十年惟著白布衣天子未辟召地府誰來追長安有交友託孤遽棄移塚側誌石短文字行參差無錢買松栽自生蒿草枝在日贈我文淚流把讀時從茲加敬重深藏恐失遺

劍客

十年磨一劍霜刃未曾試今日把似君誰爲不平事

口號

申夜忽自起汲此百尺泉林木含白露星斗在青天

寄述

別腸多僻紆豈能肥肌膚始知相結密不及相結疎疎別恨應少密離恨難祛門前南流水中有北飛魚魚飛向北海可以寄遠書不惜寄遠書故人今在無况此數尺身阻彼萬里途自非日月光難以知子軀

齋中

耽靜非謬爲本性實疎索齋中一就枕不覺白日落低扉礙軒窗寡德謝接一作諾叢菊在牆陰秋窮未開萼所餐類病馬動影似移嶽欲駐迫逃衰豈殊辭綆縛已見飽時雨應豐蔬與藥

感秋

商氣颯已來歲華又虛擲朝雲藏奇峯暮雨灑疎滴幾端黑涼葉一作幾數點思陰壁落日空館中歸心遠山碧昔人多秋感今人何異昔四序馳百年玄髮坐成白喧喧徇聲利擾擾同微跡儼無世上懷去偃松下石

翫月

寒月破東北賈生立西南西南立倚何立倚青青杉近月有數星星名未詳諸但愛杉倚月我倚杉爲三月乃不上杉上杉難相參胎孺子細視睛瞳桂枝剗目常有熱疾久視無煩炎以手捫衣裳零露已濡露久立雙足凍時向股腫墮立久病足折兀然鰲膠粘他人應以睡轉喜此景恬此景亦胡及而我苦淫耽無異市井人見金不知廉不知此夜中幾人同無耽待得上頂看未擬歸枕函強步望寢齋步步情不堪步到竹叢西東望如隔簾却坐竹叢外清思刮幽潛量知愛月人身願化爲蟾

辭二知己

一隻千歲鶴立別孤翔鴻使鳥忽已暮海雨寒濛濛
離人聞一作美彈亦與哀彈同况茲切切弄繞彼行

行躬雲飛北嶽碧火息西山紅何以代遠誠折芳臘
雪中

義雀行和朱評事

玄鳥雄雌俱春雷驚蟄餘口銜黃河泥空即翔天隅
一夕皆莫歸曉曉遺衆難雙雀抱人義哺食勞劬劬
難既遷迤飛雲間聲相呼燕感雀深恩雀愧揚不殊
禽賢難自彰幸得主人書

宿懸泉驛

曉行歷水樓暮到懸泉驛林月值雲遮山燈照愁寂

辯士

辯士多毀譽不聞談己非猛虎恣殺暴未嘗蓄妻兒
此理天所感所感當問誰求食飼雛禽吐出笑言詞
善哉君子人揚光掩瑕玼

不欺

上不欺星辰下不欺鬼神知心兩如此然後何所陳
食魚味在鮮食蓼味在辛掘井須到流結交須到頭
此語誠不謬敵君三萬秋

絕句

海底有明月圓於天上輪得之一寸光可買千里春

寓興

莫居暗室中開目閉目同莫趨碧霄路容飛不容步
暗室未可居碧霄未可趨勸君跨仙鶴日下雲爲衢

遊仙

借得孤鶴騎高近金鳥飛翔河洗老貌照月生光輝
天中鶴路直天盡鶴一息歸來不騎鶴身自有羽翼

若人無仙骨芝朮無煩食

枕上吟

夜長憶白日枕上吟千詩何當苦寒氣忽被東風吹
冰開魚龍別天波殊路岐

雙魚謠

時韓方書中以
孟常州簡詩見示

天河墮雙魴飛我庭中央掌握尺餘雪劈開腸有瑋
見令譏舌短烹遶隣舍香一得古詩字與玉含異藏

易水懷古

荆卿重虛死節烈書前史我數方寸心誰論一時事
至今易水橋寒風今蕭蕭易水流得盡荆卿名不泯
早起

北客入西京北鴈再離北秋寢獨前與天棧星落織
耽耽餘恬爽顧盼輕病力旅途少顏盡明鏡勸仙食
出門路跡橫張家路最直昨夜夢見書張家廳上壁

客喜

客喜非實喜客悲非實悲百迴信到家未當身一歸
未歸長嗟嗟愁填中懷開口吐愁聲還却入耳來
常恐滴淚多自損兩目輝鬢邊雖有絲不堪織寒衣
延壽里精舍寓居

旅託避華館荒樓遂憑牖短庭無繁植珍果春亦濃

側廬發局樞纖魄時臥逢耳目乃斷并肺肝即巖峯
汲泉飲酌餘見我閑靜容霜蹊猶舒英寒蝶斷來踪
雙履與誰逐一尋青瘦筇

贈智朗禪師

上人分明見玉兔潭底沒上人光慘貌古來恨峭發
涕辭孔顏廟笑訪禪寂室步隨青山影坐學白塔骨
解聽無弄琴不禮有身佛欲問師何之忽與我相別
率賦贈遠言言慚非子曰

送沈秀才下第東歸

曲言惡者誰悅耳如彈絲直言好者誰刺耳如長錐
沈生才俊秀心腸無邪欺君子忌苟合擇交如求師
毀出疾夫口騰入禮部闈下第子不恥遺才人恥之
東歸家室遠掉轡時參差浙雲近吳見汴柳接楚垂
明年春光別回首不復疑

酬栖上人

夜久城館閑情幽出在山新月有微輝朗朗空庭間
處世雖識機伊余多掩關松姿度臘見籬藥知春還
靜覽冰雪詞厚爲酬贈顏東林有躑躅脫屣期共攀

冬月長安雨中見終南雪

秋節新已盡雨

一作林

疎露山雪西峯稍覺明殘滴猶

未絕氣侵瀑布水凍著白雲穴今朝灑漚鴈何夕瀟

湘月想彼石房人對雪扉不閉

必結

唐賈浪仙長江集卷第一

唐賈浪仙長江集卷第二

普州司倉參軍范陽 賈島 浪仙

寄孟協律

我有吊古泣不泣向路岐揮淚灑暮天滴著^{一作桂}
樹枝別後冬節至離心北風吹坐孤雪屏夕泉落石
橋時不驚猛虎嘯難辱君子詞欲酬空覺老無以堪
遠持茗曉倚角窗王屋懸清思

和劉涵

京官始云滿野人依舊閑閉扉一畝居中有古風還
市井日已午幽窗夢南山喬木覆北齋有鳥鳴其間
前日遠嶽僧來時與開關新題驚我瘦窺鏡見顏顏
陶情惜清澹此意復誰攀

明月山懷獨孤崇魚孫

明月長在日明月長在心在心復在日何得稀去尋
試望明月人孟夏樹蔽岑想彼嘆此懷樂喧忘幽林
鄉本北嶽外悔^{一作恨}東夷深願縮地厭還豈待天
恩臨非不渴騰秀却嫌他事侵或云岳樓鍾來繞草
堂吟當從今尹後再往步柏林

投張太祝

風骨高更老何春初陽葩冷冷月下韻一一落海涯
有子不敢和一聽千嘆嗟身臥東北泥魂掛西南霞
手把一枝栗往輕覺程除水天朔方色暖日滿根花
^{一作達}聞幽栖山遠尋種藥家欲買雙瓊瑤慙無一
木瓜

詠韓氏二子

千巖一尺壁八月十五夕清露墮桂花白鳥舞虛碧

送別

丈夫未得意行行且低眉素琴彈復彈會有知音知

攜新文詣張籍韓愈途中成

袖有新成詩欲見張韓老青竹未生翼一步萬里道
仰望青冥天雲雪壓我腦失却終南山惆悵滿懷抱
安得西北風身願變蓬草地祇聞此語突出驚我倒
上谷送客遊江湖

重酬姚少府

隙月斜枕旁飄詠夏語什如今何時節虫虺亦已蟄
客遲禮涉傲抱疾思加滋僕本胡爲者銜肩貢客集
茫然九州內譬如一錐立數暗少此懷自明曾歷泣
量無趨勇士誠欲戈矛戢原閣期躋攀彈舫偶俱入
深齋竹木台^{一作畢}夕風雨急俸利沐均分價稱煩
噓喻百篇見刪罷一命嗟未及滄浪憑將還知音激
所習

投孟郊

月中有孤芳天下聆薰風江南有高唱海北初來通
容飄清冷餘自蘊襟抱中止息乃流溢推尋却冥蒙
我知雪山子謁彼偈句空必竟獲所寶爾焉遂深衷
錄之孤燈前猶恨百首終一吟動狂機萬疾辭頑躬
生年面未交永夕夢輒同敘詰誰君師詎言無吾宗
余未履其跡君曰可但攻瑕波腸易飽揮險神難從
前歲曾入洛差池阻從龍薛家復從趙雲思長榮榮
嵩海每可詣長途追再窮願傾肺腑事盡入焦梧桐
代邊將

寄劉栖楚

持戈簇邊日戰罷浮雲收露草泣寒露夜泉鳴隴頭
三足握中鐵氣衝星斗牛報國不拘貴憤將平虜
趨走與偃臥去就自殊分當窗一重樹上有萬里雲

離披不相顧，髣髴類人羣。友生去更遠，來書絕如焚。
蟬吟我爲聽，我歌蟬豈聞。歲暮儻旋歸，晤言桂氛氤。

寄丘儒

地近輕數見，地遠重一面。一面如何重，重甚珍寶片。
自經失歡笑，幾度騰霜霰。此心鎮懸懸，天象固迴轉。
長安秋風高，子在東甸縣。儀形信寂蔑，風雨豈乖間。
憑人報消息，何易憑筆硯。俱不盡我心，終須對君宴。

送陳商

古道長荆棘，新岐路交橫。君於荒榛中，尋得古轍行。
足踏聖人路，貌端禪士形。我曾接夜談，似聽講一經。
聯翩曾數舉，昨登高第名。釜底絕烟火，曉行皇帝經。
上客遠府遊，主人須目明。青雲別青山，何日復可升。

送張校書李霞

從京去容州，馬在船上多。容州幾千里，直傍青天涯。
掌記試校書，未稱高詞華。義往不可屈，出家如入家。
城市七月初，熱與夏未差。錢君到野地，秋涼滿山坡。
南境異北候，風起無塵沙。秦吟宿楚澤，海酒落桂花。
暫醉卽還醒，彼土生桂茶。

寄友人

同人半年別，一別寂來音。賴有別時文，相思時一吟。
我常倦投跡，君亦知此衿。筆硯且勿棄，蘇張曾陸沈。
但存舌在口，當冀身遂心。君看明月夜，松桂寒森森。

答王參

寸晷不相待，四時互如競。客思先覺秋，虫聲苦知暝。
霜松積舊翠，露月圓如鏡。詩負屬景同，琴孤坐堂聽。
相期黃菊節，別約紅桃徑。每把式微篇，臨風一長詠。

延康吟

寄居延壽里，爲與延康隣。不愛延康里，愛此里中人。

人非十年故人，非九族親人，有不可語得之。烟山春

戲贈友人

一日不作詩，心源如廢井。筆硯爲醜醜，吟詠作塵埃。

寓興

真集道方至，貌殊姤還多。山泉入城池，自然生渾波。
今時出古言，在衆翻爲訛。有琴含正韻，知音者如何。
一生足感激，世言忽嗟峨。不得市井味，思響吾嚴阿。
浮華豈我事，日月徒蹉跎。曠我頑陽風，千載無其他。

懷鄭從志

西風吹陰雪，兩雪半夜收。忽憶天涯人，起看斗與牛。
故人別二年，我意如百秋。音信兩杳杳，誰云昔綢繆。
平明一封書，寄向東北舟。翩翩春歸鳥，會自爲匹儔。

易州登龍興寺樓望郡北高峯

郡北最高峯，巉巖絕雲路。朝來上樓望，稍覺得幽趣。
朦朧碧烟裏，羣嶺若相附。何時一登陟，萬物皆下顧。

送鄭山人遊江湖

南游衡嶽上，東往天台裏。足躡華峯頂，目觀滄海水。

就峯公宿

河出鳥宿後，螢火白露中。上人坐不倚，共我論量空。
殘月華曉暖，遠水響玲瓏。爾時無了夢，茲宵方未窮。

劉景陽東齋

松陰連竹影，中有無苔井。清風此地多，白日空自永。

對菊

景陽公幹孫，詩句得真景。勸我不須歸，月出東齋靜。

送集文上人遊方

九日不出門，十日見黃菊。灼灼尚繁英，美人無消息。
來從道陵井，雙木溪邊會。分首芳草時，遠意青天外。

此遊詣幾嶽嵩華衡恆秦

題岸上人禪內閣居

靜向方寸求不居山一作千嶂幽池開菡萏香門閉莓苔秋金玉童四句批糠輕九流鐘烟上喬木鍾磬下危樓手種一株松貞心與師傳

遊子

遊子喜鄉遠非吾憶歸廬誰知奔他山自欲早旋車朝賞暮已足圖歸願無餘當期附鵬翼未偶方躊躇

寄山中王參

我看嶽西雲君看嶽北月長懷燕城南相送十里別別來千餘日日憶不歇遠寄一紙書數字論白髮

送汲鵬

淮南臥理後復逢君姓汲文采非尋常志願期卓立深江東泛舟夕陽眺原隰夏夜言詩會往往追不及

唐賈浪仙長江集卷第二

唐賈浪仙長江集卷三

普州司倉參軍范陽 賈島 浪仙

寄令狐相公

策杖馳山驛逢人問梓州長江那可到行客替生愁

哭柏巖禪師

苔覆石床新師曾占幾春寫留行道影焚却坐禪身

塔院關松雪經房鎖隙塵自嫌雙淚下不是解空人

山中道士

頭髮梳千下休糧帶瘦容養雛成大鶴種子作高松

白石通霄煮寒泉盡日春不曾離隱處那得世人逢

就可松宿

十里尋幽寺寒流數派分僧同雪夜坐鴈向草堂聞

靜語終燈照餘生許嶠雲猶來多抱疾聲不達明君

旅遊

此心非一事書札若爲傳舊國別多日故人無少年

空巢霜葉落疎隔水螢穿留得林僧宿中宵坐默作

然

送鄒明府遊靈武

曾宰西畿縣三年馬不肥債多平一作劍與官滿載

書歸邊雪藏行徑林風透臥衣靈州曉曉角客館未

開扉

題皇甫荀藍田廬

任官經一年縣與玉峯連竹籠拾山果瓦瓶擔石泉

客歸秋雨後印鎖暮鍾前久別丹陽浦時時夢釣船

贈王將軍

宿衛爐烟近除書墨未乾馬曾金鑠中身有寶刀痕

父子同時捷君王畫陣看何當爲外帥白日出長安

下第

下第只空囊如何住一作帝鄉杏園啼百舌誰醉在
花傍淚落故山遠病來春草長知音逢一作豈易孤
棹負三湘

寄賀蘭朋吉

往往東林下花香似火焚故園從小別夜雨近秋聞

野菜連寒水枯林簇古墳泛舟同遠客尋寺入幽雲

斜日扉多掩荒田徑細分相思彈幾處偶坐蛺蝶羣

會宿曾論道登高省議文苦吟遙可想邊葉向紛紛

憶吳處士

半夜長安雨燈前越客吟孤舟行一月萬水與千岑

島嶼夏雲起汀洲芳草深何當折松葉拂石剌溪陰

哭孟郊

身死聲名在多應萬古傳寡妻無子息破宅帶林泉

塚近登山道詩隨過海船故人相吊後斜日下寒天

送崔定

未知遊子意何不避炎蒸幾日到漢水新蟬鳴杜陵

秋江待得月夜語恨無僧巴峽吟過否連天十二層

寄白閣馮公

已知歸白閣山遠晚晴看石室人心靜水潭月影殘

微雲分片滅古木落薪乾後夜誰聞磬西峯絕頂寒

雨後宿劉司馬池上

藍溪秋漱玉此地漲清澄蘆葦聲兼雨菱荷香遶燈

岸頭秦古道亭面漢荒陵靜想泉根本幽崖落幾層

送朱可久歸越中

石頭城下泊北固與鍾初汀鷺潮衝起船窗月過虛

吳山侵越衆隋柳入唐疎日欲窮調膳時來何府書

送田卓入華山

幽深足暮蟬驚覺石牀眠瀑布五千仞草堂瀑布邊

壇松涓滴露數月次寥天鶴過君須看上頭應有仙

送董正字常州觀省

相逐一行鴻何時出嶺中江流翻白浪木葉落青楓
輕機浮吳國繁霜下楚空春來權待阻正字在東宮

酬姚少府

梅樹與山木俱應搖落初柴門掩寒雨蟲響出秋蔬
枯槁影清鏡孱愚友道書刊文非不朽君子自相於

送無可上人

圭峯霽色新送此草堂人塵尾同離寺蛩鳴暫別親
獨行潭底影數息樹邊身終有煙霞約天台作近隣

送李騎曹

歸騎雙旌遠此生別中蘭關分磧路嘶馬背寒鴻
朔色晴天北河源落日東賀蘭山頂草時動卷帆風

送烏行中石涼別業

寒水長繩汲丁冷數滴翻草通石涼脈硯帶海潮痕
嶽色何曾遠蟬聲尚未繁勞思當此夕苗稼在西原

送覺興上人歸中條山兼謁河中李司空

又憶西巖寺秦原草白時山尋樵徑上人到雪房遲
暮磬潭泉凍荒林野燒移聞師新譯偈說擬對旌麾

寄無可上人

僻寺多高樹涼天憶重遊磬過溝水盡月入草堂秋
穴蟻苔痕靜藏蟬柏葉稠名山思徧往早晚到嵩丘

南池

蕭條微雨絕荒岸抱清源入舫山偏塞分泉稻接村
秋聲依樹色月影在蒲根澹泊方難遂他宵關夢魂

寄龍池寺貞空二上人

受請終南住俱妨去石橋林中秋信絕峯頂夜禪遙
寒草煙藏虎高松月照鵬霜天期到寺寺置即前朝

送貞空二上人

林下中餐後天涯欲去時衡陽過有伴夢澤出應遲
石磬疎寒韻銅瓶結夜澌殷勤訝此別且未定歸期

送裴校書

拜官從祕省署職在藩維多故長疎索高秋遠別離
天寒泗上醉夜靜岳陽暮使府臨南海帆飛到不遲

昇道精舍南臺對月寄姚合

月向南臺見秋霖洗滌餘出逢危葉落靜看衆峯疎
冷露尋時有禪窗此夜虛相思聊悵望潤氣偏衣初

卽事

索漠對孤燈陰雲積幾層自嗟憐十上誰肯待二飯
心被通人見文叨大匠稱悲秋秦塞草懷古漢家陵

城靜高崖草漏多幽沼水過聲沙島鷺絕行石蒼僧
豈謂舊虛在誰言歸未曾一作歸

黃子陂上韓吏部

石樓云一別二十二三春相逐升堂者幾爲埋骨人
涕流聞渡瘴病起喜還秦曾是令勸道非惟卹在迤

疎衣蕉縷細爽味若芽新鍾絕滴殘雨螢多無近隣
溪潭承到數位秩見辭頻若箇山中一作招隱機忘任

此身

天津橋南山中各題一句
野坐分苔石李山行遶菊叢中雲衣惹不破諸葛

秋色望來空

四十歸燕字千年外始吟已將書北嶽不用比南金

投李益

才行古人齊生前品位低葬時貧賣馬遠日哭惟妻
孤塚北邙外空齋中嶽西集詩應萬首物象徧曾題

送人適越

高城滿夕陽何事欲霑裳
選客蓬蒿暮遊人道路長
晴湖勝鏡碧寒柳似金黃
若有相思夢殷勤載入行

送僧遊衡嶽

心知衡嶽路不怕去人稀
船裏猶鳴磬溪頭自曝衣
有家從小別無寺不言歸
料得逢寒住當禪雪滿扉

送路

別我就蓬蒿日斜飛伯勞
龍門流水急嵩嶽片雲高
數命無知己梳頭落白毛
從軍當此去風起廣陵濤

洛陽道中寄弟

趨走迫流年慙經此路偏
密雲埋二室積雪度三川
生類梗萍泛悲無金石堅
翻鴻有歸翼極目仰聯翩

江亭晚望

浩渺浸雲根烟嵐沒遠村
鳥歸沙有跡帆過浪無痕
望水知柔性看山欲倦魂
縱情猶未已迴馬欲黃昏

送耿處士

一瓶離別酒未盡卽言行
萬水千山路孤舟幾月程
川原秋色靜蘆葦晚風鳴
迢遞不歸客人傳虛隱名

唐賈浪仙長江集卷第三